


1348

澗溪居士集



騰錄監生臣董誠

詳校官庶吉士臣瑚圖禮

侍讀臣孫球覆勘

欽定四庫全書

槲溪居士集卷三

宋 劉才邵 撰

今體詩

瀘溪春日

風暖鶯離谷花繁蝶倦飛
林塘供勝賞雲日弄晴暉
古郡荒城在芳郊遊騎歸
閒來推物理痛飲未為非

春日郊居四首

地僻春還到門閒性自便
風回香縷轉日透隙光圓
曲

金史四八全言
卷三
治波初凸繁
花曉欲薦誰能學工部
直得為春顛
殘花啼曉露落絮泊池荷帶藥蜂鬚重窺簾燕語多桑
肥蠶趁暖雨飽麥連坡帝力知難報閒聽擊壤歌

散策啟柴關春光滿望間長烟連遠碧矮笋出新斑倦
蝶飛還歇啼鶯意自閒晚雲將小雨容易暗前山

春事遽如許登臨聊杖藜遊絲斜帶日細草未霑泥風
軟花香熟烟酣柳色迷慙慙囑鷓鴣芳卉正萋萋

中秋

陰晴無遠近，獨有此宵看。
寫盡山河影，想添蟾兔寒。
清輝分玉露，斜漢泛冰盤。
上到高圓處，亭亭輪更安。

遊山寺詩

岡巖圍古剎，松桂發幽香。
斜日烟姿薄，空庭花影長。
尋雲穿蘚徑，汲水動溪光。
好就山房宿，閒聽鐘殷牀。

次韻王民瞻題慧門院二首

亂後身重到，醉中禪暫逃。
蓮關無泣象，鷲嶺不傾黿。
原注

文選賦云黿雖仆而不傾井邑劫灰在，霜林秋氣高。
更須資法雨，一

為洗弓刀

亂兵如穴蟻攘攘欲何逃肆毒空搖蠆支傾已斷鼇上

方塵不染北極勢元高佩犢知難久紛紛已賣刀原注近聞

諸處寇盜悉受招安故有是句

蘇文饒往昌國意頗憚之送以詩因勉之

已聞舟楫具那得苦留君雨過霜風急帆飛雪浪分長

途方策足暇日正論文功業他年事風波豈足云

遊香山寶應寺恭覩仁宗皇帝御書發願文

龜洛隆周德龍門賴禹功天開形勝地雲捧法王宮繡
拱聯霞綺蚪簷壓霽虹山河紛湊泊星斗映穹崇金界
琅函秘奎文筆勢雄獨高今古外何止帝王中恭想重
熙旦追還太古風開懷容直論崇儉自清躬俗厚刑幾
措時和歲屢豐湛恩漸動植大度納華戎致治臻無事
持盈愈若冲皇居多暇日宸翰寫深衷誓保基圖永期
躋壽域同含生蒙願力流澤浩無窮

賦得登瀛洲

天策開王府仙才聚國英禮優初闢館衆羨號登瀛凡
骨難飛步神仙遂擬名冠鼇堪比峻馭鶴想同輕銀闕
誰云遠金臺愧未清收功歸正觀文治播休聲

賦得春色滿皇州

春光何處盛先滿帝皇州日近恩輝動天低淑氣浮繁
花迷綵仗弱柳媚芳溝風軟塵難動烟酣翠欲流驩聲
連綺陌仙吹咽瓊樓願遂觀光志曲江追勝遊

賦得秋風生桂枝

金飈隨素律丹桂吐幽姿潛動驚秋意生從傲雪枝高
應翻月窟清已徹天涯雖效紛披態終無搖落悲低嫌
蘋末起涼異棘心吹幸有乘風興高攀自不遲

賦得鮮雲垂薄陰

輕雲初出岫散漫本無心
鄣日呈鮮彩垂天結薄陰
浮空誠可玩著地影非深
籠水難藏渚依山豈暗林
誰言聊掩靄遠勢已侵尋
不羨西郊密終期為作霖

次韻朱希真送李仲輔使浙東

詔遣皇華使恩殊白首郎越城膺重寄雲路佇高翔金

節丹楓外星軺碧海傍溪山動詩興藻火祭篇章暫對

青藜杖

原注仲輔新除直秘閣

徐驅白鳳凰

原注事見北夢瑣言

平反有餘

暇霜橘薦瑶觴

賦得蛟龍得雲雨

賢能攄逸志振迹比蛟龍雲雨時方得烟霄路自逢濯

鱗霑帝澤擁足脫塵蹤物外將輕矯池中豈解容依乘

應有待際會合相從寄語懷才者明時好奮庸

贈端上人

原注端善鼓琴

傳得無聲曲有時彈向人
雪峯年老大風穴語尖新
吼月泥牛困抽條石笋春
衣珠猶不重豈更覺身貧

挽江司戶詞

原注民表之弟公家俱好禪學多坐化者賢弟少卿為求此

場屋聲名舊林泉興味長
青衫歸里閉白首傲羲皇
鶴靜終輕矯蘭銷委暗芳
遙憐高遯處庭宇日荒涼

早歲識真際前身疑淨名
窮通百年內生死一銖輕
成佛無先後同參有弟兄
悲傷隨世諦益見在原情

挽戴彥誠通判三首

初闢橋門日英髦喜彙征奇文逢藻鑒時輩仰高名仕
路因騰踏聲華久隱旬方觀終遠業埋玉恨難平

庠序親餘論京華獲並遊艱危心有託感激義無酬豈
謂音容隔頻驚歲月流今來拜遺像淚雨不能收

賈鵬由來忌應曾為廢書始終歸有數善慶豈無餘賢
嗣真蘭玉今名驚里閭他年定通顯躍馬從金輿

次韻元日會飲

不將簾幕挂簷脣欲聽飛雲點繡茵門外湖山元早白
醉中笑語不嫌真爐烟盡日飄香霧茗盃侵湯攪玉塵
莫怪更深寒力減瑤墀今日布王春

謝人惠花栽以龍涎及小團答之

應憐小圃少花看分惠靈苗四五般多謝高情無所吝
欲將俗物報應難鯨波薦液香難比龍焙先春玉作團
寄與文房助清興詩魂莫怕月邊寒

江閣夜坐

原注王自
然所居

迢迢小閣倚雲端高處懸知境界寬
共向城頭聊放目却驚沙觜減
奔湍蒼烟闕處江山遠白月滿空
星斗寒炯炯此心誰會得從公清
坐到更闌

閒雲收盡露乾端垂地漫漫碧玉寬
小海無人續遺唱斜河挂影作飛湍
水仙環佩歸何處天闕樓臺似更寒
知欲乘風叩閭闔如公應入不為闌

原注律有闌
入宮殿門

愚堂為歐陽炳文作

高懷從昔厭雄夸宴坐虛堂玩物華
清簟疎簾無俗客

澆花洗竹當生涯風驚萬木誰家曲雲擁千峰盡日衙
莫信韜光得深隱鶴書終恐到君家

次韻李彥淵遊竹閣奉呈望之

春餘景物尚芳華寫景詞工語不夸綺饌玉樽筵秩秩
碧梧翠竹影斜斜湖山風月須頻賞南北車書已一家
回首都人候清蹕遙知紫禁繞烟花

原注是時復河南也

同張敏叔登望闕臺

曉陟高臺望紫宸愛君心切素忘身堯天日遠迷西極

漢使星高拱北辰賦雪才優宜視草賜環恩重定隨春
剩須留下驚人句長使江山氣象新

賀和仲移居

俊猊羣戲畫難工

原注對門三山如獅子戲

木梢翬飛面勢雄壯氣

定知如杜固鑿池肯復效燕公好穿松竹躋雲磴別敞

簷楹看碧空

原注和仲云當穿松竹開徑就高處作亭以望遠

更願他年開北

第却留蹤跡付隆中

蒼官湧翠千株直石棧斜飛一徑通爽塏真能明遠目

噐塵不動但清風卜鄰豈免煩王翰相宅應魚出魏公

終使里名不虛設先栽巖桂與分叢

原注文忠公集古錄有明月與巖桂

分叢之語今所居里名折桂而宅旁先已栽桂數本故有是句

次韻陶父雙蓮

和氣為霖歲有涯發祥宜自使君家池開雙影同心瑞
氣敵三峯十丈花嘯侶洛妃携翠袖懼飛蛺蝶護新葩
天公似恐嫦娥妬時把微雲隔素華

鬱孤臺

風伯驅雲曉色開使家清燕就高臺崆峒爽氣連天起
 章貢寒聲遶檻來譚屑霏霏隨玉塵酒波灩灩溢金罍
 還將崇政言詩手一為江城賦早梅

次韻黃元授憫旱

旱氣熿熿

案熿見爾雅釋訓熿熿炎炎熏也
 疏引大雅雲漢云蘊隆蟲蟲義同似火炎新

來露亦不輕霑電光入夜空搖幟雨響經時不到蒼獄

吏誰憐冤死婦農家空挂刈禾鎌高天早副憂民意雲
 漢無煩歎靡瞻

次韻寬夫喜雨詩

檀龍致雨雨宵零香氣如傳得薦馨斷港已通無別浦
洪波遙想接重溟門開甘露偏蘇槁供設伊蒲異獻腥

清禁詞臣歌樂職淵雲難獨挾天庭

原注府中因禱青
原塔得雨故用檀

龍甘
露事

次韻黃元授喜雨詩

溝塍流水已源源還有餘波及衆川焦稼頓蘇苗疑疑
涸池重見葉田田休疑兩種分乾溼且喜脩羅罷鎧鋌

平糴莫將同上熟恐教問并却騷然

次韻周秀實七夕

雲間素月若飛來半鏡携歸共挂臺星渚橋成仙步穩

玉簫聲斷曉風哀曾向茲辰曝圖籍

原注秘書省七夕有曝書會

還

思延閣敵蓬萊誰憐點鬢吳霜重酒母分霑助把盃

原注

是日宜造麴
麴一名酒母

和彭德源秋開紫牡丹

暗覺小陽春氣回却從秋杪上樓臺

原注唐人牡丹詩云衆芳飄處上樓

臺淺於潑墨輕勻露小似齊頭只類杯

原注洛陽花譜云潑墨紫色最

深齊頭似深椀而平今所開者色淺頭齊小應是化工偏著意便同仙骨免

枯荻笑他方士驚人眼謾作空花頃刻開

次韻温叔皮秋懷

海風截雨晚雲收銀漢迢迢傍月流菊露自應知歲晏
砧聲今不起邊愁尋常酒債何妨有咫尺湖山未暇遊
欲跨青蚪舒遠目水仙真肯借人不

次韻李彥淵夜聞鶴唳

警露猶能動客情
淮淝况復雜風聲
語多真似留華表
意遠誰知在紫清
正值月寒秋夜永
更當風靜海潮平
故山蕙帳空來久
想共曉猿相對鳴

過唐興寺

須應辭職效崔沂
豈合經時直紫微
領郡尚叨分竹箭
羨君不肯裂荷衣
高風久已勤山仰
妙語新從得指歸
更待春時稍暄暖
共尋烟塢與苔磯

夜契從來耐歲寒
千株路盡見蒼官
舊遊還復尋金碧

清夢猶能記玉鑾喜見雲烟生翰墨隨時散核簇杯盤
荷公高誼存真趣不作尋常俗眼看

次韻劉仙卿臘日喜雪

徹地寒威暖尚遙豈同春日落還消醉翁不道鹽并絮
阿母難專池是瑤素月交光千里共豐年為瑞四時調
臘中三白已堪賞何況皚皚照此宵

臘祀祁年瑞雪飄共知帝力最難消無邊世界銀為闕
不動根荄草變瑤人悅自然天意得時和豈待樂聲調

金定四庫全書
卷三
月娥似更憐鮮潔清影亭亭徹永宵

早朝行宮奉呈諸同舍

龍山西轉浙江橫寶勢岌堯切太清照海曉光來闕角
穿花宮漏帶潮聲風生劍佩班初上霧歇旌旗色更明
共說中興似光武南都賦合繼東京

祖廟殿生芝草

由來天意眷明昌偏向神宮發吉祥和氣潛蒸方蔓蔓
靈華託柱益煌煌披圖正與端宸合紀美還增原廟光

漢室但聞生禁宇作歌空復詠齋房

聖孝神明已默通皇猷德業更兼隆昌期適契千齡會
上瑞宜生九廟中異彩光凝何煜爚靈葩色正自昭融
天將福慶資宗佑方至如川豈有窮

次韻同舍道山堂宿直二首

花影頻移夜向闌重簷突兀倚雲端木天西畔銀河響
陸海中間貝闕寒風軟嚴更傳玉漏月和清露滴金盤
不嫌上界多官府請便乘風駕紫鸞

金剛四庫全書
卷三
玉宇沉沉易覺秋暮雲開盡夜悠悠天風斜轉蒼龍闕
宮月遙連紫桂樓寶畫深嚴神物護仙山縹緲瑞烟浮
慙無逸藻陪諸彥歸興惟思理釣舟

和李仲孫韻因以奉勉

詞格森嚴氣不寒
華星灼灼出雲間
中興喜見天方啟
高議期追漢已還
正值朝家求切直
豈容竒逸戀雲山
願公淬筆參晁董
大對親瞻醉穆顏

送李似之二首

中興修政似周宣共理聊煩命世賢
凋瘵氣蘇真肉骨
豪強膽落怯冰淵
遠猷豈合淹千里
溫詔俄頒自九天
解釋邦人去思恨
為言行復入陶甄

晴虹詞彩冠羣才
淡墨名高北斗魁
史筆繼聞登左省
廟謨今復贊中臺
方傳召命馳三節
頓使清風動九垓
想見君王偏注意
鳳池虛位待公來

次韻送盧汝舟

秋鴻社燕若為情
歧路東西亦可驚
入夜朔風搖畫角

金定四庫全書
卷三
滿空星斗罩高城吳江浪濶兼天湧楚塞山長盡日橫
記取別筵看劍處怕聽庭樹曉雞聲

送江虞仲

烜赫家聲四海聞材猷超絕出凡倫清規映物無塵隔
實德臨民蒙惠均器遠自應當要路政成還合覲嚴宸
禁途虛位須賢俊佇慶登崇寵渥新

和丁浚明戲蕭濟夫

生世纔如石火光應憐不早見盧郎碧蟾自合來棲月

黃耳何緣得上床但使知音同卓氏何妨服猛似梁鴛

觀音妙相誰能測暫化身為無厭王

原注華嚴十行中菩薩欲治世間多

不善行故示威嚴自化其身作無厭足王使見者恐怖而不犯信臣云濟夫目孺人為觀音而浚明末句有從前謔浪今收拾儘聽人呼張大王之語此必有所聞也但取梁鴛服猛菩薩化身之事以釋之

度婦休誇意智強却因詐魘喚江郎自從呼婢曾開口

不復連宵只對床春晚燕狂捎蛺蝶汀閒沙暖睡鴛鴦

鳳棲已協和鳴兆誰記東家人姓王

原注古詩悔不嫁與東家王謂王昌

也信臣有三宵別床之句聞今已不然故此篇為一洗之

次韻蕭元隆見寄二首

國朝制策得羣賢隆棟才高異衆椽溫詔久頒崇舊典
英辭初喜見新編竚登文陛三層峻還寄家聲萬古傳

原注修撰公奏議世多傳聖主憂民收遠策欲令枕奠得安眠

麟閣岩堯倚碧天道山宿直燭如椽誰憐老眼今多病
喜讀危詞屢絕編一鷲奮飛方遠舉雙魚緘素肯輕傳
益思張膽論時事未敢昏昏只醉眠

次韻王民瞻

寶勝金書小酥盤花樣新六宮呈妙巧清曉慶佳辰

瑞氣籠春宮殿高天官仙樂奏雲璈欲知聖壽無疆處

王母千回獻碧桃

君王聖母與天通預建慈寧廣內中果慶回鑿功已就

纂修事實示無窮

按宋史全文續通鑑紹興十二年十一月詔禮部侍郎兼實錄修撰編修

太后回鑿諸盛事付史館第
四句正指其事附識於此

春歸頓覺日華遲樂事偏多屬聖時萬壽聲中觴酒滿

年年歲歲擁春祺

又原注皇帝閣六首 案春帖子前六首切章
太后還臨安時事知為十三年春所進此六
首只叙偃武施惠而不及太后回鑾事當非同
時所作且第五首有海國入貢之語考紹興十
二三年均無外國入貢之事其非
十三年立春無疑也附識於此

一氣回蒼陸千祥集紫宸天心存愛育施惠發新春
行仁隆治道偃武為生靈恩施周遐邇熙熙萬國寧
盛德天垂覆皇明日照臨九重頒漢詔四海識堯心
始和布政同天運聖澤隨春下九霄垂法端闡萬人喜
典章盡復祖宗朝

海國占風慕聖明先春入貢竭丹誠梯航萬里不辭遠

要趁新年賀太平

案宋史外國傳紹興間唯元年大食國入貢二年高麗入貢二十五年占

城入貢二十六年三佛齊入貢則此詞當作於二十五年間又考本集中賜三佛齊勅書有春寒卿比好否

與先春之語正合或即二十六年所進耶附識於此

瑞日舒長呈五色官儀赫奕會三朝宴開紫殿恩輝重

樂奏彤庭雅韻調

又 原注皇太后閣五首 案宋史全文續通鑑十三年閏四月己丑立貴妃吳氏為皇后此春

帖子當亦係十三年以後所進與太后閣六首亦非一時之作也附識於此

風轉萬年枝冰開百子池多男應禱祀瑞氣恰來時

瓊筍深浮柏金牋巧頌椒宮嬪隨鳳輦萬壽本東朝

紫庭烟淡祥光滿清禁風微淑氣新綺閣靚深無一事

觀書臨帖過芳春

案宋史憲聖吳皇后傳后博習書史又善翰墨故第四句云云附識於此

飛靈頃報豐年慶天瑞由來應克誠喜見農祥已晨正

將持嘉種奉親耕

絳闕清都境異常况當聖世物皆昌風催柘館桑枝秀

冰滿龍池荇帶長

端午內中帖子詞 原注皇帝閣案周密乾淳歲時記端午先期學士院亦

供帖子詞宮中以青羅作赤口白舌帖子與艾人並懸門楣以為禳禳

雲篆摹仙印香荪纏絲絲風回五明扇日麗萬年枝

神飈隨律至玉宇倍清涼復古觀書處偏宜畫漏長

兩岐呈瑞麥三秀產靈芝天意方垂佑宸心愈肅祇

翼權默運甄陶外德澤遐宣指顧中號令一新民氣樂

正如解愠得薰風

天申佳節繼天中 案宋史紹興十三年天申節始上壽賜宴如故事周密乾淳起居注五月

二十一日太宗皇帝天申節故此
云天申佳節繼天中也附識於此
賀慶年年信始通明
詔重頒浮論息共知至計出天衷

百昌蕃殖歸神化萬宇歡康屬聖時
形氣既和無疾癘
冰臺還更覺生遲

遊西湖天竺書所見成五絕句

秋風蕭瑟海天涼不見紅衣十里香
慚愧湖邊拒霜在
數枝擎露學啼粧

靈風嫋嫋轉幡幢紅蠟光中一縷香
萬德莊嚴等塵土

北珠南貝若為粧

寒泉秋菊水仙堂華竟無人薦晚香賴有新詩伴冰蘂
犯寒欺雪鬪宮粧

千頃琉璃湛曉光紛紛蘭菊動秋香疎烟小雨多情思
箇是西湖淡薄粧

石井靈泉鏡樣方龍宮流出倍甘香可憐溪女低蓬首
斜挿山花照晚粧

題滴水巖

泠泠清響落巖中正脉由來觸處通一滴也無真戲論
誰知白浪已翻空

曾酌曹溪一掬甘笑着梁燕自呢喃根塵却是圓通境
箇裏何妨舌本參

次韻李彥淵郎中試院三絕句

銓曹注擬待羣才妍醜先分寶鑑開餘力留詩在巖壁
護持神物已應來

春滿湖山草木芳薰晴曉日動微黃遙知從騎歸來處

穿破東風十里香

野草幽花似纈斑僧牕聊寄兩句閒衣冠行赴東都會
官府深嚴不在山

試黃權筆為作三絕句

名屬仙民住武夷能將巧思利毛錐宣城遺法依然在
一逐人間好尚移

渴驥精神傷太緊秋蛇筋骨定非竒要須從此習中正
方見中書事事宜

八法森嚴得者稀
管城還伴剡藤悲
欲教霜兔魂無恨
須寫當時顏段碑

松

山中衆木自紛紛
移徙孤根獨不羣
更與清風同烈烈
便先八俊繼三君

古栢

移根得地對幽軒
香葉蒼然已可憐
他日定為梁棟具
耿耿大厦倚晴天

梧桐

琴材豈必百年期翠葉萋萋已滿枝况是常生易封殖

政平喜見中興時

原注禮緯云人君乘火德而王政平則梧桐常生也

蟠桃

竒芬不與衆芳同移植應從碧海中結子縱遲人莫怪

靈苗端的有仙風

原注夢得贈樂天詩云海中仙果子生遲蓋指蟠桃也

朝天李

玉妃朝謁珠宮慣暫到人寰別九天戀闕丹心終不變

亭亭素艷吐清妍

黃楊

不怪天公賦與慳
應憐堅正長偏難
三年檀木真容易
誰肯吟哦著眼看

詠竹

護惜龍孫意正勤
風漪誰愛織成紋
林中莫著山王輩
擬向他時詠五君

以雙井茶寄李仲孫

雙井真成日鑄兄一盃不覺醉魂醒知君筆法傳山谷
歟罷應臨戒石銘

次韻梅花十絕句

溪水溶溶影動搖盈盈仙子近星橋箇中著句須清絕
莫道經春雪未消

華清賜浴洗凝脂一曲霓裳素練衣更有十分相似處
曉霜添就玉肌肥

莫恨隨風片片飛微酸暗結已無疑世人欲識和羹效

看取高宗夢覺時

露白飛香豈入時幽姿誰遣獨先期
可憐欄檻花無數
春意潛回猶未知

應嫌素質露天真却把輕黃拂藥塵
休向吟牕動詩興

多情先

原注一作去

自不禁春

愁雲向曉不勝繁飛霰紛紛濺兔園
竹裏數枝偏有意
欲將冷艷慰霜根

遠樹歸鴉欲噪昏閒雲撩亂暗江村
冰膚無著凝寒處

耐冷不緣餐日魂

水仙似怯難為弟更著山礬數滿三
慚愧涪翁繼和靖
驚人詩句出東南

風泛寒香方浩蕩月移清影更徘徊
不妨絕妙誰同賞
恰有幽人踏雪來

洗盡殘粧倚玉樓世間脂粉且休休
芳心未必傷幽獨
冷雨踈烟與替愁

次韻趙伯達梅花三絕句

昭君生長巫山村，獨負嬌容似玉溫。
恰似此花開臘後，芳心脉脉與誰言。

莫奏悲笳向日昏，花飛不是減芳春。
多情更作回風舞，體弱懸知不陷茵。

丞相家園雪裏開，瓊枝鬪白遠高臺。
十年戎馬暗京洛，舊賞猶能入夢來。

原注富鄭公
洛陽有梅臺

又詠梅花

正與盧生清興同，衝寒還肯訪幽叢。
牕前忽見偏奇艷

恰在昔昔淡月中

官舍有梅花一株偶賦絕句

已洗方清為有塵無塵因洗更清新香山謾說工纖艷

錯把梨花比太真

映日梅

冰肌耐熱本神人肯與寒光便淺顰應笑海棠無道骨

睡紅怯翠不禁春

月下梅

月到瓊枝夜未央
天將清景薦孤芳
疎雲似恐嫦娥妬
却與時人隔素光

次韻朱新仲席上賦梅花影四首

老禪墨戲信竒哉
山谷稱揚意亦瓌
未似燈前出寒影

真香不假返魂梅

原注瓌意竒行見宋玉對問有僧出老墨梅山谷云其奈無香何僧因出

香麝之極佳因名為返魂梅香方本出韓忠獻家

真是瑤臺月下仙
徐熙落墨若為傳
輸他巧思紅裳女

寫出幽姿意宛然

清影新詩二妙并弓良更遇國工繁自慙癡鈍無佳思
擊缶難參擊玉清

萬緣合處本無心明暗相形亦漫成光影都亡復何物
更須試問老師兄

吟芍藥
山谷詩芍藥花未開猶帶出寒暄

紫清樓閣不施丹小樣誰傳到此間方信遊蜂非俗物

窺窻玉女鬪妖嬈
右紫樓

人言花似征鞍色嫩紫茸茸箇樣奇不道征鞍似花染

臨歧聊欲問何離

右鞍紫原注詩云贈之以為藥芍藥一名何離贈以此者問何故離別

題茅山多葉芍藥詩

司命霓旌款帝關
司花仙史亦駢鸞
誰人點似東方朔
偷出名花與世看

又間金紅芍藥詩

詩家賦咏怯揮毫
比象偏難為格高
渾似上元朝阿母
流金鈴間赤霜袍

次韻朱新仲白菊三絕句

金定四庫全書
卷三
海甸秋深亦隕霜不因寒苦減真香冰容本自嫌施彩
青女何勞抹曉粧

練帔雲衣天上裝月中光透只聞香世間百寶難相稱
珠露熒熒映靚粧

苦節寒心獨異常儘枯終欲護幽香紛紛花藥那知此
已落猶誇半面粧

冬日牡丹五絕句

百花頭上有江梅更向江梅頭上開便使詩人慙未識

春前還解上樓臺

天公用意太勤勤時遣花王為報春從此梅花應有語
漏他消息莫冤人

誰謂冰霜慘刻辰暗中和氣自生春花神顯現東君意
說似何勞解語人

聊將芳醕發微殷豈是冰肌不耐寒對立亭亭真妙絕

可將近侍之雌丹

原注芍藥
一名雌丹

芳叢不遣雪霜封已是青腰獨見容更祝春風重著意

行看拂檻露華濃

次韻德源道人水墨畫二絕句

脩竹寒禽伴寫真
細看更覺妙通神
早知終有飄搖患
應選深林寄此身

霜枯荷葉半欹斜
水落寒溪感浪花
雁足更須添繫帛
似傳遠信度龍沙

鑒上人通內外學徧遊訪方晚棲舊隱年來示
疾遂不出山牡丹四窠見寄因成三絕句以謝

聞說栽時正出家春風四紀閱芳華如今示疾空山裏
怕引諸天來散花

遠寄靈根自梵家小園景物頓增華何當寫在屏幃上
一任高禪笑眼花

學道何妨只在家謾栽花草記年華箇中本自無榮悴
浮世何曾似落花

原注昔人有在
家菩薩之語

贈段成之

粟菴宴坐正安禪不踏城闈已十年送別今朝不辭遠

信知高義薄雲天

黃芍藥

遊沛曾聞漢帝魂夢中名實未應分看花莫動枝頭蝶

驚覺徐州老使君



閒情逸興五十年春風西望關老筆吟吟不與空山裏

欽定四庫全書

樵溪居士集卷四

宋劉才邵撰

制

案黃鑑楊父公說苑學士草文名目漸廣拜免王公將相妃主曰制賜五品以上官曰詔六品

以下曰勅書集中凡除授降免諸末職亦皆稱制蓋鑑所云者指內制而言也才邵嘗為中書舍人

兼權直學士院東掌內外制故集中如右文林郎秉義郎等皆稱制者皆外制也附識於此

皇太后贈曾祖制

案宗史全文續通鑑紹興十二年冬十一月庚申日南至

合祀天地於園丘太祖太宗並配制辭有恭致

明禮既嚴推配之語當是因郊祀而降單思追

封隆祐太后之三代也然史但書大赦而不及

褒封之文蓋史書於封典多略而不書耳隆祐

太后姓韋氏其曾祖之名無可考制云雖嘗從仕豈究遠圖則其生前官職亦不顯云謹附識

此於

勅朕肇新盛典恭致明禋稽哲王尊祖之文既嚴推配副長樂念親之意敢後褒封申賁曾門益隆茂渥皇太后曾祖某性資莊重志操端良既全德以在躬乃安時而適已雖嘗從仕豈究遠圖儲厥福祥及于孫子惟流光之不泯宜後裔之克昌慈顏方奉於母儀恩典宜高於戚屬永惟重祖當致褒封增煥王章遂荒徐土英靈

如在愍冊其膺可

曾祖母制

勅天心從欲子道獲伸日奉親闈恭承慈訓式麗郊報
丕擁神休博施濟澤之恩申錫外家之慶增輝重祖祇
適舊章皇太后曾祖母某氏凝資冲粹率履溫恭克遵
圖史之規用致閨門之睦積其善慶施及後人位居永
信之尊禮備慈寧之養眷惟先廟當極殊榮爵既從夫
封宜申錫用昭卹典永賁泉扃靈而有知庶其來享可

祖制

案韋太后祖名無考制云藏用自全韜光不耀知為未嘗從仕者制末謂俾臨淮海

之大邦增重真王之賜履

當是連封為臨海郡王

勅高密仁厚自知後世之興文德賢明益出長孫之族

推原所自崇報宜先敷錫神釐光昭祖武皇太后祖某

履道夷坦稟資粹明藏用自全韜光不耀致善慶之彌

積至賢孫而克昌德配姜任名高馬鄧茲錫流根之澤

用伸告第之榮俾臨淮海之大邦增重真王之賜履欽

承茂渥保佑後人可

祖母制

勅朕祇率先猷肇嚴大報茂膺神貺爰霈湛恩褒崇母
家厥有常典及其祖廟錫以愍章皇太后祖母某氏懿
行內全淑聲外著克備宜家之美平施睦族之仁善相
其夫以昌厥後至孫而大配極居尊推原慶祥褒進大
國尚其不泯歆此茂恩可

父制

案宋史韋賢妃傳建炎改元遙尊妃為宣
和皇后封其父安道為郡王是制云定省

晨昏方致東朝之養當是后還居
臨安後因郊祀而追晉爵號者

勅大姒致徽音之續慶本維莘和熹應石臼之祥福緣
平壽發源有自褒典務隆茲因熙事之成申錫王章之
寵皇太后父某全德自晦存誠貴真善積諸躬澤流於
後克生聖女正位慈闈定省晨昏方致東朝之養崇功
報德宜移靈文之園邦之棟梁錫以愍冊所憑益厚其
尚知歆可

母制

勅朕莫玉薦誠升禋報貺難專享於介福肆誕錫於多

方增賁外家式申殊渙皇太后母某氏躬全懿德譽藹
壺儀豈惟克謹於蘋蘩蓋亦能遵於圖史丕昭懿範宜
厚卹章開渭水之祥實緣餘慶飾觀津之壤敢後追褒
進兼兩國之封庸示非常之典淑靈不泯厚澤宜膺可

皇后贈曾祖制

案宋史憲聖吳皇后傳紹興十三年詔立貴妃吳氏為皇后追

王三代據宋史全文續通鑑冊立皇后在是年之閏四月而是制云昭報伸於元祀又云誕錫渙恩則亦係冬至郊祀覃恩制末云申加亞保蓋至是又加贈少保耳以下追贈各制當俱係

同時所撰附識於此

勅朕祗膺駿命順考彝章推策迎於上元昭報伸於元祀丕承靈貺誕錫渙恩眷惟后族之親宜及曾門之遠皇后曾祖某稟資莊厚植德粹和既積慶以有餘肆開祥而益大儲其介福以及曾孫位隆坤極之儀德著徽音之嗣推原厚澤寵錫褒章申加亞保之華增煥重泉之祿惟靈不泯尚享茲榮可

曾祖母制

勅朕肇講彌文用嚴大報丕擁神靈之貺肆推敷錫之

恩眷惟戚姻宜及重祖皇后曾祖母某氏秉柔明之德
懷淑慎之心率履不違發輝及遠慶流後裔位正長秋
佐孝養以盡恭昭陰教而咸穆原其所自實賴前芬茲
錫褒章增輝先廟淑靈不昧渥典其歆可

祖制

案制云進列孤卿之位介於師保之間
當是加贈少傅者此二代名俱無考

勅朕寅奉丕基紹開興運克致寧神之祀用伸報本之
誠茲錫湛恩以昭慈嘏位既冠於王寢澤宜及於祖宮
皇后祖某履道淵冲存心仁厚既懷才而自晦宜錫羨

於無窮及孫而昌受報於顯陟坤儀之正位播周雅之徽音爰推德澤之源宜厚褒封之典進列孤卿之位介于師保之間歆此殊榮永賁幽窆可

祖母制

勅朕飭躬齊戒展事泰壇受神之釐其敢專享爰敷慶澤以賚多方乃眷戚姻及其王母皇后祖母某氏體全柔懿德茂溫恭承祀肅於沼蘋循禮嚴於珩珮務儲德善用啓福祥茲進錫於殊恩以增光於厚土冀其如在

尚克欽承可

父制

案宋史憲聖吳皇后傳父近以后貴累官武翼郎贈太師追封吳王是制云冠於三

少則但加少師耳又考宋史外戚傳吳益於孝宗時進太師則近當復於乾淳間加贈如子官

耶附識於此

勅西漢置觀津之邑益厚竇親東都䟽平壽之封用褒
鄧訓朕稽叅前古祇適舊章肆推祭澤之恩申錫后家
之寵式隆卹典加賁禰宮皇后父某德迪中和性全通
敏雖登仕籍才不盡施益濬慶源用能及後是生淑德

之媛允協覩天之祥教被宮闈化行海宇宜副念親之意爰敷告第之榮賁厥九原冠于三少尚其不泯新渥宜承可

母制

勅朕揆景至之辰秩國陽之祀禮成樂備茂擁神休式舉彝章敷錫遐邇眷惟懿戚宜厚慈親肆加褒封丕昭異數皇后母某氏出自今媛嬪于高門克遵圖史之規茂著欽和之譽是生賢女正位中闈比德姜任騰芳風

雅茲追惟於母教宜申錫於綸章爰䟽曲阜之區用比
靈文之寵尚其能享永賁幽局可

吏部尚書羅汝楫贈父制

勅朕寅奉丕圖率循彝典克致肇禋之禮用申報本之
誠敷錫神釐博施濟澤眷惟從列宜及慈親具官某父
懷德韜光履和處順仁厚推於宗族聲猷著於月評積
善獲祥如汝有幾克膺壽福仍享康寧

案史稱汝楫以
諫議大夫遷吏

部尚書旋除龍圖學士知嚴州秩滿請祠居喪未終而
卒年七十則其父在當時已年近期頽矣故制有積善

獲祥如汝有幾克膺壽福
仍享康寧之語附識於此

既及子而遂昌况其身之親

見蚤攄遠業備歷清華臺諫高蹇諤之風銓綜擅公方
之譽肆加進秩用顯教忠祇服恩榮益綏福履可

贈母制

勅朕揆日迎長欽柴秩祀既備膺於靈貺宜申錫於渙
恩澤之所覃不間幽顯具官某母某氏秉心純粹率履
溫恭善既宜家仁推睦族積其餘慶施及後人是生嗣
賢位登禁從茲博施於惠澤用伸錫於美名靈其有知

庶克顧享可

贈故妻制

勅朕恭致郊禋克膺神貺乃大推於慶澤以廣被於寰
區矧惟侍從之賢夙賴室家之助淑聲未遠褒典宜崇
具官某故妻某氏稟性惠和禔身柔順克謹蘋蘩之職
茂隆閨闈之儀豈謂降年莫諧偕老嘉名申錫泉隧增
光尚冀營魂永歆茂渥可

贈妻制

勅祗率舊章用嚴祀禮文咸舉慈嘏備膺眷予侍從
 之近臣方賴溫恭之內助茲惟祭澤宜茂渙恩具官某
 妻某氏資稟粹和行全柔懿允協室家之美茂遵圖史
 之規爰錫嘉名茲為異數用丕昭於懿德以增煥於私
 庭祗服殊榮益綏新社可

太師秦檜贈曾祖制

案宋史姦臣傳紹興十二年加秦檜太師進封魏國

公

勅朕聿開興運肇舉明禋迎甲子之上元推祖宗而並

侑誠通高厚惠浹幽明眷惟同德之臣實茂格天之業
既崇功而益懋宜厚澤之加隆錫以殊恩及其重祖具
官某曾祖某器資閱達志操修明問學貫於古今仁愛
孚於州里嘗被凶盜為竊所藏吏欲責賕請深文而致
之死與而不吝願當罪而全其生擴茲平恕之心宜獲
人神之助善既積而有慶德及遠而復興克生裔孫惟
時碩輔賴謀謨之經遠致內外之咸寧風雨時而百穀
成禮樂興而庶事備答殊勲以崇報稽盛德以發源申

錫褒封丕昭懿行光靈不泯茂典其承可

曾祖母制

勅朕熙柴壇而承祀禮既備成坐宣室以受釐義難專
享敷錫神靈之貺博施濟澤之恩矧成績之獨高宜追
褒之遠及具官某曾祖母某氏凝姿冲粹禮貌温恭懿
範著于閨門德聲播於姻黨積其善慶燕及曾孫謀猷
罄入告之忠宗社獲再安之福肆丕昭於彝典以申賁
於曾門其享茲榮益綏爾後可

祖制

案檜祖不知其名制云恬養丘園益未嘗從任者史稱才邵當權臣用事之時雍容

遜避以全名節而此為檜祖草制乃有道義接丘軻之傳勳名真伊呂之佐二語何獻諛乃爾

耶抑有所授之者耶謹附識於此

勅朕揆日迎長燎柴拜貺備車旗器服之盛燕神祇祖

考之靈爰推錫類之恩用廣及親之典式遵彝憲用報

元勳具官某祖某識粹而明器宏以遠備全德業恬養

丘園市義不待於馮驩削契自同於樊重譽傳邦族惠

及羈窮克開有後之祥遂享無窮之慶惟予嘉輔實爾

慈孫道義接丘軻之傳勲名真伊呂之佐出陪興運獨
奮顯庸副其尊祖之心需此流根之澤疏封從舊申賁
增榮尚冀光靈克歆渙渥可

祖母制

勅朕展事國陽薦誠郊燎迎天元而推筴庶祖武之增
光丕擁神休誕敷祭澤具官某祖母某氏躬全懿德行
著壺儀夙嚴環珮之音克謹蘋蘩之薦源深流遠善積
慶餘是生聞孫熙我鴻烈茲盛儀之克舉推惠術以宜

先爰即舊封申加明命尚期歆格服此寵榮可

父制

案檜父名無考制云為宰玉山政成民悅播在風謠蓋嘗為玉山令而有善政者當

因檜之惡故志傳皆不載其名耳

勅朕躬致精禋禮嚴陟配爰推惠澤誕錫神釐眷予論道之臣厚爾教忠之報廟封予善國典率常具官某父某道契鄰幾才堪經國名登桂籍為宰玉山志大氣閎屈於撫字政成民悅播在風謠名酒尊以長官表清德之徹底歌賢令如李起蒙功利以至今宜十事之永傳

垂千載而不泯儲其福履施及子孫是生名世之才當
朕公師之任勲高彛鼎聲滿華夷方崇德而報功驗流
光於厚澤撫封雖舊申命維新夫積善在身垂烈于後
忠嘉濟世豈獨傳韋氏之一經德慶源深將遠過張家
之三相其歆承於殊渥益保佑於後人可

前母制

勅惇宗將禮周待姬旦而行消選休成漢美泰元之貺
朕叅稽前古圖任真賢措國勢於覆盂致寰區之奠枕

肇修縟典克舉明禋肆推錫類之恩以副念親之意具
官某前母某氏體全柔靜行著淳和夙敦承祀之恭深
協宜家之美遂儲餘慶以燕後昆茲即舊封用申殊渥
式隆恩綬永賁泉扃可

母制

王林燕翼貽謀錄真宗天禧元年八月辛未詔文武京朝官父不在無嫡母者許叙

封本生母然則封本生母者自天禧始也附識於此

勅茂對休辰克成熙事爰施曠澤用廣殊恩眷惟台鼎
之元勳宜厚親闈之報禮肆頒明命增渙私庭具官某

母某氏稟質懿和凝姿惠淑全此睦嫻之美施於內外
之親時然後言導之以善隨其長幼之異必有開警之
辭從夫守婦道之常訓子以義方之正躬備欽和之德
人懷愛仰之心能率禮以無違宜開祥而有衍是生良
弼獨幹化樞運高世之遠圖成中興之嘉績推原厚澤
昭示褒章肆申兩國之封加賁重泉之祿淑靈如在渥
典宜膺可

妻制

案宋史姦臣傳建炎四年檜與妻王氏及
僕婢一家自軍中航海歸行在制謂深得

順從之正曾無夷
險之殊蓋指其事

勅朕肇舉上儀用嚴大報茲誕膺於靈貺肆敷錫於多
方矧惟協德之宗臣實賴宜家之內助其推褒典以示
殊恩具官某妻某氏毓德粹和秉心淑慎出自高華之
系歸于德慶之門相待如賓能勸以義深得順從之正
曾無夷險之殊兩族相輝位槐庭而冠三事諸姑而降
乘魚軒者踰十人圖史傳家世之清芬富貴以謙光而
自牧茲博施於惠術用載舉於徽章爰即舊封特加申

命其承茂渥益介繁禧可

皇兄安時除節度使制

案史載徽宗三十一子無所謂安時者世系表

亦無其名並無授寧國軍節度使及封天水縣侯者或其後復加秩晉爵史不及詳耳特安時二字宗室中無此輩行或因近屬不斥其名而稱字歟蘇舜欽聞見雜錄云太宗即位以太祖諸子皆稱皇子曰猶我子也其後皇族遂不分疏密尊卑皆加皇字故有皇兄之類非典故也然則安時亦不必定為徽宗所出特高宗之羣從耳附識以備考

門下帝堯至治明俊德而終於和萬邦光武中興復宗統而有以親九族欲厚本根之庇實資屏翰之良朕祇

道詒謀率循成憲方撫紹開之運致隆敦叙之恩乃眷
懿親時惟近屬俾遂分於將閫以增固於宗城爰集朝
紳肆揚制綽具官某器閎以達識粹而明夙惟德義之
優克稱神明之胄潛心務學信閱理以居多率履閑邪
知為善之可樂頃分留務兼掌奉祠始終十年恭勤一
節疇其望實寵以恩華是用付元戎之節旄宅侯邦之
土宇增陪奉邑併衍真租非但遂遷實惟明陟於戲漢
制啓於九國疆土裂二等之封周道顯於三王本支膺

百世之慶其務全於信厚以永保於寵榮可特授寧國軍節度使權主奉蓋王祭祀進封天水縣開國侯加食邑五百戶實封二百戶主者施行

吳蓋除節度使制

案宋史外戚傳蓋字叔平與凡蓋俱聖憲皇后之弟以后

貴加文州刺史累加武寧軍節度使開府儀同三司少保封新興郡王制謂進封開國公想此時初封公後乃升少保而晉郡王耳附識於此

門下朕御衆總戎允賴節旄之任推忠衛上尤資肺腑之親惟時戚畹之英宜舉齋壇之冊直敷渙號誕告明

庭具官某性稟溫恭才推通敏雅有深宏之量克循寬
厚之風蔭籍兼榮曾無驕侈之習謙冲自牧每懷靖慎
之心譽處既隆聲華彌茂雖嘗居於任使殊未究於猷
為爰錫綸章式遵國典俾殿蜀川之巨屏肇建幕府之
高牙神旂增煥於戎容琳館肅承於真御仍受昕朝之
謁肆開公社之封申衍爰田就加實戶併褒寵數庸示
眷懷於戲席慶天嫺茲厚親親之懿兼疇才望庶全將
將之能其益務於提身以丕揚於休命可特授寧武軍

節度使依前提舉佑神觀奉朝請進封開國公食邑五百戶食實封二百戶主者施行

普安郡王妻郭氏封郡夫人制

案宋史孝宗本紀初封建國公

紹興十二年正月進封普安郡王宋史全文續通鑑尤若訥曰普字乃並日明兩作之象殆天

授也郭氏即成穆皇后當時封成寧郡夫人

勅朕惇叙宗藩肆推恩典方燕室家之慶宜嘉褒寵之隆某氏稟質懿和秉心端靜克謹壺儀之訓深通圖史之規當有殊恩用昭柔範乃錫郡封之壤俾膺象服之

華益務溫恭以承嘉命可

擬韓世忠加恩制

案自此以下三制當亦紹興十三年郊祀推恩故事

勅朕祇率累朝之大典丕昭元祀之上儀璧玉華光兼
致精純之薦簫管備舉肆宣皦繹之音神人以和福祿
來下特博施於純嘏宜先及於舊勲爰擇令辰誕揚渙
號具官某處躬莊厚秉德忠純屹然勁銳之資濟以沈
雄之量韜傳龍豹素推料敵之明陣列鸛鵠獨奮陷堅
之勇屢疇功閱備載旂常兼三鎮之節旄聯上公之袞

繡願神真館列位王藩

案宋史紹興十一年世忠抗疏言秦檜誤國檜諷言者論之世

忠連疏乞解樞密柄且乞骸遂罷為醴泉觀使奉朝請封福國公十二年改瀛國公節鉞如故十三年封咸安

郡王故此云願神真館列位王藩也

高而不危蓋惟侯度之謹卑以自牧

務全謙德之光

案史稱世忠既解兵柄杜門謝客絕口不言兵時跨驢攜酒縱游西湖部曲舊

將不得一見其面制所謂高而不危惟侯度之謹卑以自牧全謙德之光為道其實云謹附識於此

屬熙

事之克成宜神釐之均錫乃舉褒崇之典用酬陪侍之

勤申行圭臬併加真食茲惟新渥式示殊私於戲橐弓

矢而戢干戈時雖臻於偃武聽鼓鼙而思將帥朕方厚

於念功其茂對於恩崇以益綏於燕譽可

擬孟忠厚加恩制

案宋史外戚傳忠厚字仲仁
隆祐太后之凡官至保寧軍

節度使歷判鎮江府明州紹興府福州建康府平江府

勅朕王道盛則禮樂興致治莫先於復古威械藏而俎
豆布因時有貴於彌文崇壇隆八陛之規精意迪一純
之薦既備膺於靈貺宜加惠於臣工眷惟屏翰之良肆
舉褒崇之典誕揚贊冊敷告朝紳具官某識粹而明量
闕以遠性稟中和之則學通竹素之傳自歷要塗夙馳

雋譽仍席昭茲之慶允為戚屬之英列朝位於三孤擁
 將壇之六纛參籌樞府受社王藩頃方籍於壯猷俾往
 司於留鑰以職來祭載嘉脩貢之恭拜貺於郊茲沛均
 釐之澤式頒奉邑申衍真租庸示寵光丕昭眷意於戲
 俾緝熙于純嘏誠既格於堪輿用敷錫厥庶民福宜先
 於貴近往祗茂渥益懋令圖可

案史稱忠厚與秦檜僚壻而檜心忌之判紹興

府時郊赦加恩令吳棫作謝表有本無時才出為世用
 之語中丞詹大方希檜意論忠厚表辭輕侮遂罷為醴
 泉觀使當即此
 時也附識於此

擬張浚加恩例制

勅朕推策近於上元秩祀伸於大報臨中壇而四方承
宇帝命不違受大球而百祿是道天休滋至均錫厖鴻
之祉宜先勲舊之臣播告治朝誕揚明命具官某性資
莊重德量深閎備宣藩翰之勞雅著威名之肅敦陳整
旅卓然御衆之才因利制權允矣乘機之智成功屢奏
勲闕彌高神旗專方面之儀華袞聯上公之貴列王藩
而䟽寵就真館以奉祠

案宋史全文續通鑑紹興十一年冬十月辛酉張浚除崇信軍

節度使充萬壽觀使以浚不附和識秦檜不
悅遂以母老乞祠故制云就真館以奉祠也 茲疇顯相

之勤宜厚褒崇之典爰加多邑併衍真腴丕昭懋賞之

公以侈高靈之貺於戲漢世全功臣之封祿適當偃革

之時周家錫魯國之土田播在告神之頌益隆譽處用

稱恩榮

司勳員外郎陳康伯關陞郎中制

案宋史列傳 康伯字長卿

弋陽人宣和三年上舍歷官尚書左僕射同中 書平章事其遷戶部司勳郎中在紹興八年以

大計得調故云 關陞也謹附考

勅具官陳康伯天官之屬冠於郎選叙其正位是惟舊
章爰因積閱之勞茲舉陟明之典以爾風猷寧遠操履
端良學有淵源才惟通敏備更事任藹著聲華宜稽辨
等之文俾陟正員之任列職雖舊申命維新其務欽承
益隆譽處可

陳炳等轉官制

案宋史禮志紹興十四年始築
壇天寧觀橋東立石主置泰社

宋史全文續通鑑載十三年二月乙巳臨安府
建泰社泰稷丙午築園丘以十三年冬始行郊
祀大禮考之則築壇當在是年無疑史志誤也
炳宋史無傳處州府志龍泉人官提轄文思院

今制云凡茲賦役實藉宣勤則當時或為將作監者也附識於此

勅肇建泰壇用嚴大報凡茲賦役實藉宣勤爾等祇事有勞宜加褒勸進官一列其克欽承可

馬耆年等轉官制

崇宋史全文續通鑑紹興十二年十一月程克俊請興學

校乃命禮部討論取旨十三年春正月詔以岳飛宅為國子監制云興崇學校以育人材參稽舊章立為成法考訂緒正蓋有司存則馬耆年等乃禮部官屬也

勅朕興崇學校以育人材稽參舊章立為成法考訂緒正蓋有司存爾等祇事恪勤備宣勞勩奏篇來上宜有

褒遷務稱所蒙益思自勵可

蕭保叙官轉官制

案蕭保任履無考制云俾還橫列仍領兵團考宋史職官

志客省使四方館使東西上閣門使謂之橫班則保當以閣門使而兼團練者附識以備考

勅朕肇建泰壇用嚴大報凡預宣勤之數咸加進秩之

恩具官某祇事有勞宜膺褒勸俾還橫列仍領兵團其

務欽承益圖報稱可

陳正輔轉官制

案制云煮海之利助經費為多是正輔當為職掌鹽法之官然

考宋史職官志提舉茶鹽司掌煮海摘山之利以通商阜財無專司鹽法者而制獨不及茶法

或舉其重者而言或紹興間曾專置提舉
鹽法之官而史不及詳歟附識以備考

勅煮海之利助經費為多能推行法意使歲課增羨宜

有褒勸爾為使屬宣力居多進階一等示不忘勞益務

恪勤以舉乃職可

遼選等轉官制

案應劭風俗通漢大司馬遼並
鄭樵通志後漢有遼明廣平人

唐夏官郎中遼仁傑河陽人宋皇祐登科遼昂
遼堪元祐遼勉大名入選當即昂堪勉之後入

歟制云參稽法令著為成書爰詔攸司以時編
輯當即紹興十二年命禮部討論而勒為成書

者又考宋史全文續通鑑十三年冬十月秦檜
等上國子監太學武學律學小學勅令格式五

十卷或即是書然藝文志不載想
未經頒行而旋即散佚耳謹附識

勅朕欽奉先猷興學養士稽參法令著為成書爰詔攸
司以時編輯爾等服勤局事灼見宣勞俾進厥官益思
自勵可

趙靈轉官制

案宋史職官志禮部僚屬有主客
郎中員外掌四夷朝貢凡郊勞授

館宴設賜予辨其等而以式頒之而授幣饗餼
頒詔書授之事則掌於客省引進使客省引進
使舊隸臺察靖康以後屬中書省制云肇修信
睦將迎之任雖繫近臣而為之佐屬是靈蓋當
時之引進使也附識於此

勅使傳之來肇修信睦將迎之任雖繫近臣而為之佐屬亦加遴選爾勤於所職備見宣勞茲示褒陞其祗茂渥可

湯保衡轉官制

崇宋史全文續通鑑紹興十五年夏四月上諭大臣曰比遣將

閩中捕盜令織渠魁脅從者釋之若措置得宜與推恩制云擒殄妖盜當即此時謹附識

勅賞典之設輕重眈功爾能奮其智略擒殄妖盜而第賞未稱豈所以示勸哉茲用進階以旌爾勞其務欽承益思自勵可

士奇轉官制

案宋史宗室世系表商王元份五世孫武翼郎士奇又平陽郡王孫

高密郡公士奇又昌王宗晟孫贈建寧軍節度使士奇是制云有司嚴考績之法當是曾為守令之官以大計課最而進秩者第不知三人中孰是耳附識以備考

勅有司嚴考績之法以旌勞閎雖聯族屬亦所不廢蓋以盡公也爾既歷歲時備見恭恪茲用進秩以協彝章其務欽承克全信厚可

高暘等轉官制

勅爾等方隨使轉將歷遠塗叙進厥官以慰勞勩其思

金定口... 卷四
祇服益務恪勤可

陳志應轉官制

勅具官陳志應朕躬修元祀展事中壇蒐舉禮文先期
嚴飭鳩工賦役爾預有勞嘉其勸功賞以進秩益思自
竭務稱所蒙可

鄭剛中轉官制

案宋史列傳鄭剛中字亨仲婺州金華人登進士甲科歷官四

川宣撫副使故云往副封疆之任史又稱剛中治蜀有方畧節制諸軍極其嚴肅故云屹若鼎器鎮於坤維也然制有乃作爵封申行爰田之語而史不載剛中進封爵土之事或闕書耳此

與下魏良臣二制皆因
課最加恩者謹附識

勅虞帝九載陟明以熙庶績周王三歲大計以紀萬民
朕稽古訓官而謹邦法之常校功數最而優從臣之禮
式彰眷意罔非至公具官某性資高明智慮深遠譽望
益著踐揚愈光曩疇文武之資往付封疆之任屹若鼎
器鎮于坤維載觀會課之書具應攸司之格用增階秩
乃作爵封申衍爰田併推寵數其承朕訓益究乃心可

知盱眙軍向子固轉官制

案文獻通考盱眙縣
宋乾德以後屬泗州

紹興以還屢戰屢失末年乃復宋史地理志云南渡後有淮平無盱眙盱眙蓋盱眙即招信軍也然考招信於建炎三年升軍宋史全文續通鑑紹興十三年沈該知盱眙軍是盱眙自為一軍矣史所謂盱眙即招信者誤也特當時廢置不常其年月不能盡詳耳子固仕履無考或與該先後為盱眙軍者耶附識以備考

勅具官向子固盱眙當來往之衝政務繁劇非他郡可比爾才資通敏游刃有餘用能宣勤克舉厥職進官一列益以勸能益既乃心務承朕命可

吏部侍郎魏良臣轉官制

案文獻通考紹興四年修立叙遷之法承

務郎以上四年即轉朝議中散中奉中大夫七年諸朝請朝議奉直大夫并特恩人以八十員為額宋史職官志載六曹侍郎從四品階正議大夫尚書左右郎中正六品階朝議大夫今制云正六品之官守以七年限以八十人似良臣當時乃左右郎中之職矣考宋史全文續通鑑紹興八年十一月魏良臣行尚書吏部員外郎又十一年權尚書吏部侍郎魏良臣落權字充大金軍前通問使是良臣此時當由員外郎擢左右郎中而權侍郎故制稱丞躋小宰也附考

於此

勅政事攷百工之課至於正六品之官則必守以七年之久限以八十人之數或不拘此法皆為異恩所以待

吾左右侍從之臣也具官魏良臣氣懷和粹材術敏通
久踐華途亟躋小宰有司稽閱來上是用增爾崇秩往
思祇服以稱朕寵異近臣之意可

李鏞轉官制

勅除盜所以安民信賞所以報功功之輕重以事為等
爾克施方畧凶盜就擒進秩之恩所以示勸其祇明命
益盡乃心可

解德等轉官制

勅賞典之設示信旌勤爾等於軍旅之間克著勞能增
進厥秩用加褒勸益思自勉以稱所蒙可

仇愈復官制

案宋史列傳愈字泰然益都人大觀三年進士官至寶文閣學士陝

西轉運使時金人無故歸侵疆愈力陳非策固
辭不行秦檜以其異已落職未幾金師果復陷
所歸地乃復愈制置再知明州改平江府制辭
有辭難之故遂從降秩及俾還其舊之語即其

事也

勅朕持予奪之二柄法慘舒於四時以道為公經權迭
用具官某頃緣識擢進列從班綿歷要塗備更事任向

以辭難之故遂從降秩之科既久歷於歲時仍復更於
需宥俾還其舊用示隆寬當務欽承益圖報稱可

劉觀復官制

崇紹興二十五年詔近歲士風澆薄以訐告為進取之計深害風教

可戒飭內外臣有不悛者令御史臺彈奏當重置於法三省樞密院因奏令刑部開具前後訐告姓名議加黜罰制云互訟之故遂從降秩當即其時附識於此

勅朕持予奪之二柄法慘舒於四時以道為公經權迭
用具官其材資凝遠學術深純暨列禁塗備更事任頃
以互訟之故遂從降秩之科既頗歷於歲時復繼更於

霑宥俾還其舊用示隆寬當務欽承益圖報稱可

李椿年等復官制

案李椿年宋史無傳考宋史全文續通鑑紹興十二年十

一月左司員外郎李椿年言乞正經界乃即以椿年為兩浙轉運使措置經界十三年六月坐

簽書江陰軍判官廳公事蔡藻不法不舉核與王鈇張叔獻俱降官尋復原任

勅具官李椿年等朕以賞罰之二柄法慘舒於四時本貴相資豈嫌迭用爾等並膺識擢臨按列城頃麗微文聊從降秩曾朔晦之無幾見職業之交修方嘉補過之功難拘已行之命其令還舊用示勸能尚既迺心益勤

厥職可

王觀國除祠部郎官制

案宋史職官志祠部郎掌天下祀典道釋祠廟

醫藥之政又建炎三年省

併郎曹祠部兼領膳部

勅具官王觀國夫國家之儲才如醫者之儲藥朕臨御

之久閱士為多益知人才之難每興寤寐之嘆旁求遠

覽其庶幾乎以爾早中殊科不求聞達任真推分泊然

自得比對便殿占奏可觀祠曹望郎未嘗輕以授人也

益勤爾守朕將有取焉可

李澗除司封郎官制

案李澗事蹟無考宋史全文續通鑑紹興十五年正

月辛酉初籍千畝用司封郎中李澗請也其除郎中當在十五年以前矣附考於此

勅具官李澗文昌設屬以分治庶務司封掌封爵之事

蓋古執秩之官差量重輕實資博識以爾性資端靜學

術通明頃參臺屬刺舉詳審往膺茲選其益勉哉可

巫伋等改官制

案巫伋宋史無傳考宋史全文續通鑑紹興二十一年二月伋

曾以簽書樞密院事充大金祈請使二十二年四月伋罷是制云當休兵息民之時設明倫善俗之教稽參成憲立為成書未知所修何書但觀休兵息民之語當是紹興十一年間初成

和議時事而當時及改何
官亦無可考耳附識於此

勅朕仰惟前代祇適先猷當休兵息民之時設明倫善
俗之教稽叅成憲立為成書爾等咸以茂異之才膺編
綜之任允職其間具宣勞勩宜加褒進以示勸能茲錫
贊書俾遷京秩益思祇服務稱恩榮可

潘竝循右儒林郎制

勅獲盜有賞所以報功輕重之差存諸格法今茲殄寇
爾預有勞集秩䟽恩益以示勸往思報稱可不勉哉

楊壽隆轉右文林郎制

勅具官楊壽隆朕祇率彛章恭修大報凡茲事務爾與
宣勤叙進階資以示褒勸往其祇服益勵猷為可



<p>山前</p>	<p>山前</p>	<p>山前</p>	<p>山前</p>	<p>山前</p>	<p>山前</p>	<p>山前</p>	<p>山前</p>
-----------	-----------	-----------	-----------	-----------	-----------	-----------	-----------